

**O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRLIGI
O‘ZBEKISTON RESPUBLIKASI MADANIYAT VAZIRLIGI
O‘ZBEKISTON DAVLAT KONSERVATORIYASI**



Ro'yxatga olindi: № BD 60210900-1.08

KOMPOZITORLIK SAN'ATI

FANINING O'QUV DASTURI

Bilim sohasi: *200 000 - San'at va gumanitar fanlar*

Ta'lim sohasi: *210 000 - San'at*

Ta'lim yo'nalishi: *60210900 – Bastakorlik san'ati*

TOSHKENT - 2025

Fan/modul kodi KS1817		O‘quv yili 2025-2026	Semestr 1-8	ECTS-Kreditlar 17	
Fan/modul turi Majburiy		Ta’lim tili O‘zbek/rus		Haftadagi dars soatlari 2	
1.	Fanning nomi		Auditoriya mashg‘ulotlari (soat)	Mustaqil ta’lim (soat)	Jami yuklama (soat)
	Kompozitorlik san’ati		240	270	510
2.	I. Fanning mazmuni Kompozitorlik san’ati fanini o‘qitishdan maqsad – talabalarga cholg‘ular haqida mukammal bilimlarni o‘rgatish. Bu fan o‘quv rejalariga muvofiq belgilangan semestrlarda yakka mashg‘ulot tarzida o‘tiladi va keyingi semestrlarda o‘rganiladigan – “Partitura o‘qish”, “Cholg‘ushunoslik”, “Cholg‘ulashtirish” va “Dirijyorlik” kurslarini yanada chuqurroq, mukammal o‘zlashtirib olishlariga katta yordam beradi. Fanning vazifasi – nazariy bilimlar, amaliy ko‘nikmalar, musiqa va undagi jarayonlarga uslubiy va ijodiy yondashuv, hamda ilmiy dunyoqarashini shakllantirish vazifalarini bajaradi. II. Asosiy qism (yakka mashg‘ulotlar) Fan tarkibiga quyidagi mavzular kiradi: I-semestr 1- mavzu. Kirish. Melodik va garmonik mashqlar Musiqada melodiya va garmoniya tushunchasi. Sodda mavzularning g‘oyaviy-estetik ifodasi. Fortepiano uchun sodda shakllarda mavzu yozishning o‘ziga xos xususiyatlari. Tugallangan asar misolida – fortepiano uchun Preljudiyalar, fortepiano jo‘rligida turli cholg‘ular uchun kuylar, ayrim cholg‘ularga yakka kuylar (monodiya namunasi sifatida). 2-mavzu. Fortepiano uchun 2 ta prelyudiya yaratish. Asarning ijrosini tayyorlash. Musiqada sodda shakl tushunchasi. Davriya, o‘rta qism, repriza. Sodda shakllarning g‘oyaviy-estetik ifodasi. Fortepiano uchun sodda shakllarda asar yozishning o‘ziga xos xususiyatlari. Tugallangan asar misolida – fortepiano uchun Preljudiyalar, fortepiano jo‘rligida turli cholg‘ular uchun kuylar, ayrim cholg‘ularga yakka kuylar (monodiya namunasi sifatida), dasturli musiqiy turkumlar (qaysiki, ma’lum bir mavzu bilan o‘zaro bog‘lash xarakatini nazarda tutib).				

3-mavzu. Yakka cholg'u uchun solo yaratish. Melodiya. Oddiy shaklning ekspozitsion qismini yaratish. Oddiy shaklning o'rta qismini yozish. Oddiy shaklning reprizasini yozish. Asarning ijrosini tayyorlash.

Yakka cholg'u uchun solo yaratish ustida ishlash. Asar shakli ustida ishlash. Tanlangan cholg'uning ijro imkoniyatlarini o'rganish.

4- mavzu. Damli cholg'u va fortepiano uchun pyesa yaratish. Melodiya, faktura, garmoniya, ritm.

Damli cholg'u va fortepiano uchun pyesa yaratish ustida ishlash. Asar shakli ustida ishlash.

5 - mavzu. Oddiy shaklning ekspozitsion qismini yozish. Oddiy shaklning o'rta qismini yozish. Oddiy shaklning reprizasini yozish. Asarning ijrosini tayyorlash.

Davriya, oddiy va murakkab 2 qismli, 3 qismli shakllar. O'rta bo'lak yoki qismlarda kontrast uslubini albatta inobatga olish alohida e'tiborda bo'lmog'i kerak. Tanlangan cholg'uning ijro imkoniyatlarini o'rganish.

II-semestr

6-mavzu. Ovoz va fortepiano uchun romans yaratish. Musiqa va she'riy matn mutanosibligida melodiya yozish. Faktura, gamoniya, ritm.

Romans janrining o'ziga xos xususiyatlari. Romans janrining kamer musiqa bilan bog'liqligi. Romans yozishda ovozning imkoniyatlarini tushunish, ovozlarning turini bilish, ijro ko'nikmalarini anglash muhim hisoblanadi. Vokal ovoz hamda cholg'u partiyasi orasidagi o'zaro munosabat bo'lishi shart.

7-mavzu. Oddiy shaklning ekspozitsion qismini yozish. Oddiy shaklning o'rta qismini yozish. Oddiy shaklning reprizasini yozish. Asarning ijrosini tayyorlash.

Davriya, oddiy va murakkab 2 qismli, 3 qismli shakllar. O'rta bo'lak yoki qismlarda kontrast uslubini albatta inobatga olish alohida e'tiborda bo'lmog'i kerak. Tanlangan cholg'uning ijro imkoniyatlarini o'rganish.

8-mavzu. Xalq cholg'usi va fortepiano uchun pyesa yaratish. Melodiya, faktura, garmoniya, ritm. Oddiy shaklning ekspozitsion qismini yozish.

Xalq cholg'usi va fortepiano uchun pyesa yaratish ustida ishlash. Asar shakli ustida ishlash. Davriya, oddiy va murakkab 2 qismli, 3 qismli shakllar. O'rta bo'lak yoki qismlarda kontrast uslubini albatta inobatga olish alohida e'tiborda bo'lmog'i kerak.

Tanlangan cholg'uning ijro imkoniyatlarini o'rganish.

9-10-mavzu. Oddiy shaklning o'rta qismini yozish. Oddiy shaklning reprizasini yozish.

Davriya, oddiy va murakkab 2 qismli, 3 qismli shakllar. O'rta bo'lak yoki qismlarda kontrast uslubini albatta inobatga olish alohida e'tiborda bo'lmog'i kerak. Tanlangan cholg'uning ijro imkoniyatlarini o'rganish.

Izox: Talabaning iqtidoridan kelib chiqqan kafedra xulosasiga binoan mavzularga o'zgartirishlar kiritilishi mumkin.

III-semestr

1-mavzu. Sonata shakli. Sonata, fortepiano uchun. Muqaddima. 1-qism

Sonata shakli bilan dastlabki tanishtirish ishlari. Sonata turkumida yirik asar yozish ko'nikmasini egallash.

Sonataning muqaddima qismini yozish.

2-mavzu. Sonata, fortepiano uchun. Ekspozitsiya. Bosh partiya

Kontrastga asoslangan musiqiy mavzularni yaratish. Sonata shaklining ekspozitsion qismiga oid bayon turi. Ekspozitsiyaning tarkibiy qismlari. Bosh partiya.

3-mavzu. Sonata, fortepiano uchun. Ekspozitsiya. Yondosh partiya

Kontrastga asoslangan musiqiy mavzularni yaratish. Sonata shaklining ekspozitsion qismiga oid bayon turi. Ekspozitsiyaning tarkibiy qismlari. Yondosh partiya.

4-mavzu. Sonata, fortepiano uchun. Rivojlov.

Sonata shaklining rivojlov qismi. Rivojlovga oid bayon turi. Rivojlovning o'ziga xos xususiyatlari. Rivojlanish printsiplari.

5-mavzu. Sonata, fortepiano uchun. Repriza.

Sonata shaklining repriza qismi. Reprizaga oid bayon turi. Reprizaning o'ziga xos xususiyatlari. Reprizada partiyalarning asosiy tonallikka bo'ysunishi.

IV-semestr

6-mavzu. Sonata, fortepiano uchun. 2-qism

Sonata turkumining ikkinchi qismini yozish. Sonata turkumining ikkinchi qismiga xos xususiyatlari. Lirik xarakterning mavjud bo'lishi. Birinchi qismdan keyingi dramaturgik rivojlanish printsiplari.

7-mavzu. Sonata, fortepiano uchun. 3-qism

Sonata turkumining uchinchi qismini yozish. Sonata turkumining uchinchi qismiga xos xususiyatlar. Finalga xos obrazli xarakterning mavjud bo'lishi.

8-mavzu. Sonata shakli. Usullarga solish, garmoniyalashtirish yaxlitligi.

Sonata shaklini egallashda davom etish. Sonata turkumining qismlarida garmonik yaxlitlikning mavjud bo'lishi. Sonata turkumining turli qismlarida rivoj usullarining hamohangligi.

9-mavzu. Sonata shakli. Kompozitsiya, qarama-qarshiliklar, yangilik, mutanosiblik.

Sonata printsiplarini egallash. Sonataga xos bo'lgan kompozitsion rejani tuzish. Obrazlar qarama-qarshiligining mavjudligi.

10-mavzu. Sonata shakli. Ijodiy g'oyani ro'yobga chiqarishda kompozitsiya vositalari.

Sonata shakliga xos obrazli qirralarning xususiyatlari.

Sonata shakliga xos ijodiy g'oyani ro'yobga chiqarishda kompozitsiya vositalarini qo'llash. Faktura turlarini qo'llash. Rivojlanish printsiplarini ishlatish.

***Izox:** Talabaning iqtidoridan kelib chiqqan kafedra xulosasiga binoan mavzularga o'zgartirishlar kiritilishi mumkin.*

V-semestr

1-mavzu. Orkestr uchun asarlar yaratish

Asosiy vazifa orkestr uchun asarlar yozish ko'nikmasini hosil qilish. Bunday asarlarni yaratishda sonata shaklini mukammal o'rganib orkestr cholg'ulari guruhlarini, ularning tembrlari, emotsional tovush xarakteridan kelib chiqib bosh mavzu, ko'makchi mavzu va boshqa epizodik mavzularni o'zaro kontrast nuqtai nazaridan hamohang yangrashiga erishishga e'tiborni qaratish kerak. Zamonaviy ijodkorlikka o'rgatish nuqtai nazaridan asrlar davomida shakllangan musiqiy shakl va tarx (sxema)lardan chetlashib, novatorlik harakatlari, ya'ni yangi musiqiy unsurlar).

2-mavzu. Uvertyura. Ekspozitsiya

Uvertyura yozish. Uvertyuraning sonata shaklida yozilishi. Uvertyuraning ekspozitsion qismini yozishi. Bosh va yondosh partiyani yaratish.

3-mavzu. Uvertyura. Rivojlov

Uvertyuraning rivojlov qismini yozish. Rivojlovga xos tematik, garmonik va fakturaviy rivojlanish printsiplarini qo'llash. Obrazlar tafovutidan foydalanish.

4-mavzu. Uvertyura. Repriza

Uvertyuraning repriza qismini yozish. Reprizaga xos xususiyat – partiyalarning tonal bo'ysunishi. Reprizaning dramaturgiyadagi o'rniga e'tiborni qaratish.

5-mavzu. Jo'rsiz xorlar. She'riy matn bilan ishlash. Jo'rsiz xorlar. Vokal partiya bilan ishlash.

She'riy matn bilan ishlashni davom ettirish. She'riy matn tanlashda she'rdagi unli va undosh tovushlarning kuylashga moyilligiga e'tibor qaratish. Tanlangan she'riy matnning xor musiqasi bilan g'oyaviy uyg'unligiga e'tibor berish.

Xor uchun asar yozishning o'ziga xos xususiyatlari. Akapella – jo'rsiz ijro etish. Zanjir nafas imkoniyatidan foydalanishning o'ziga xosligi.

Xorning turlari: ayollar xori, erkaklar xori, aralash xor, bolalar xori.

She'ning obrazli dunyosini ochib berish.

VI-semestr

1-2-mavzu. Torli kvartet. Ekspozitsiya

Torli kvartetni sonata shaklida yozish. Ekspozitsiyada torli cholg'ularning yakkaxonligiga e'tiborni qaratish. Obrazlar orasidagi kontrastdan samarali foydalanish. Torli cholg'ularning bo'yoqlaridan foydalanish.

3-4-mavzu. Torli kvartet. Rivojlov

Rivojlov qismida fakturaning turli xillarini ishlatish. Torli cholg'ularning ijro imkoniyatlaridan samarali foydalanish.

5-mavzu. Torli kvartet. Repriza

Torli kvartetning repriza qismini yozish. Reprizaga xos xususiyat – partiyalarning

tonal bo'ysunishi. Reprizaning dramaturgiyadagi o'rniga e'tiborni qaratish.

6-mavzu. She'riy matn bilan ishlash.

Kamer-vokal asar uchun she'r tanlash. She'riy matn tanlashda she'rdagi unli va undosh tovushlarning kuylashga moyilligiga e'tibor qaratish.

7-mavzu. Vokal partiya bilan ishlash.

Kamer-vokal asar yaratishda she'riy matnni vokal kuy bilan bog'lash. She'riy matn bilan ishlashni davom ettirish. So'z va musiqaning o'zaro bog'lanishi ustida ishlash. Musiqa so'zning fonetik xususiyatlarini ochib berishi shart ekanligi. Musiqa she'riy matnning xarakterini to'laqonli ochib berishi muhim vazifa.

8-mavzu. Partiturasini shakllantirish.

O'zbekiston kompozitorlarining ovoz va fortepiano uchun yaratgan qo'shiq va romanslari tahlili. Vokal partiyaning cholg'u partiyalari bilan uyg'unligiga erishish yo'llari.

Vokal ovoz va cholg'u orasidagi munosabat. Ansambl tarkibini tanlashda ovoz va cholg'ularning tembr va diapazonini nazarda tutish. Ansambl tarkibini tanlashda she'rning badiiy-g'oyaviy tomoniga ahamiyat berish.

9-mavzu. Estrada qo'shiqlari. She'riy matn bilan ishlash.

Qo'shiq uchun she'r tanlash. She'riy matn tanlashda she'rdagi unli va undosh tovushlarning kuylashga moyilligiga e'tibor qaratish.

10-mavzu. Estrada qo'shiqlari. Vokal partiya bilan ishlash.

Qo'shiq yaratishda she'riy matnni vokal kuy bilan bog'lash. She'riy matn bilan ishlashni davom ettirish. So'z va musiqaning o'zaro bog'lanishi ustida ishlash. Musiqa so'zning fonetik xususiyatlarini ochib berishi shart ekanligi. Musiqa she'riy matnning xarakterini to'laqonli ochib berishi muhim vazifa.

***Izox:** Talabaning iqtidoridan kelib chiqqan kafedra xulosasiga binoan mavzularga o'zgartirishlar kiritilishi mumkin.*

VII-semestr

1-mavzu. Bitiruv malakaviy ishning g'oyaviy-mavzuviy tomonini aniqlash.

Bitiruv malakaviy ishning asosida simfonik orkestr uchun yozilgan asar yotadi.

Yirik janrda simfonik asarni murakkab shakllarda yozish. Simfonik orkestr, Xalq cholg'ulari orkestri uchun poema, uvertyura, musiqiy kartina qatorida, simfonik syuita, cholg'u konserti kabi yirik asarlar yoziladi.

2-mavzu. Simfonik poema. Muqaddima

Asarni yaratishda cholg'ulashtirish fanidan olingan bilimlarni qo'llash zarur. Simfonik orkestr imkoniyatlaridan to'laonli foydalanish asarning sifatini belgilaydi.

Yirik janrdagi simfonik poemaning muqaddimasini yozish.

3-mavzu. Yirik janrda simfonik asar yozish. Simfonik poema. Ekspozitsiya. Bosh partiya.

Simfonik poemaning ekspozitsion qismini yozish. Ekspozitsiyaning tarkibiy qismlariga e'tibor qaratish. Bosh partiyan yaratish. Bosh partiyaning obrazli tomoniga e'tibor berish.

4-5-mavzu. Yirik janrda simfonik asar yozish. Simfonik poema. Ekspozitsiya. Yondosh partiya.

Simfonik poemaning ekspozitsion qismini yozish. Ekspozitsiyaning tarkibiy qismlariga e'tibor qaratish. Yondosh partiyan yaratish. Yondosh partiyaning obrazli tomoniga e'tibor berish.

VIII-semestr

6-7-8-mavzu. Yirik janrda simfonik asar yozish. Simfonik poema. Rivojlov

Simfonik poemaning rivojlov qismini yozish. Rivojlov qismida partiyalarning tafovutiga e'tibor qaratish. Rivojlanish printsiplaridan foydalanish.

9-mavzu. Yirik janrda simfonik asar yozish. Simfonik poema. Repriza

Yirik janrda simfonik asarning cholg'ulashtirilishi ustida ishlash. Cholg'u partiyalarining birlashuvi yoki bo'linishlariga e'tiborni qaratish. Simfonik partiturada shartli belgilarni to'g'ri qo'yish.

10-mavzu. Yirik janrda simfonik asar yozish. Simfonik poema. Partiturasini shakllantirish.

Simfonik partituraning partiyalarini cholg'ular o'rtasida to'g'ri taqsimlash. Partituraning partiyalarini tuzish.

III. Mustaqil ta'limni tashkil etishning shakl va mazmuni

Mustaqil tahlimni tashkil etishda mazkur fanning xususiyatlarini hisobga olgan holda quyidagi shakllardan foydalanish mumkin:

- darslik, o'quv qo'llanma, maxsus yoki ilmiy adabiyotlar (monografiyalar, maqolalar) bo'yicha fanlar boblari va mavzularini o'rganish;
- tarqatma materiallar bo'yicha mahruzalar qismini o'zlashtirish;
- avtomatlashtirilgan o'rgatuvchi nazorat qiluvchi tizimlar bilan ishlash;
- yangi musiqiy texnik vositalar va texnologiyalarni o'rganish;
- talabaning ilmiy tekshirish (ijodiy) ishlarini (TITI) bajarish bilan bog'liq bo'lgan fanlar bo'limlari yoki mavzularini chuqur o'rganish;
- faol o'qitish uslubidan foydalaniladigan o'quv mashg'ulotlari (ishbilar o'yinlar, diskussiyalar, seminarlar, kollokviumlar va b.).

Mustaqil ta'limni tashkil etishning mazmuni axborot-tahlim resurslaridan, tahlim muassasasida mavjud kutubxona, fonoteka va videoteka jamg'armasidan, reyetitoriylardan, o'quv laboratoriyalari, ovoz yozuvi studiyalari, teleradiokom'aniya kanallari va kontsert zallaridan unumli foydalanishdan, bajarilgan ishlarning tahlilini bayon etishdan iboratdir. Mazkur fanning xususiyatlaridan kelib chiqib kasbiy mahoratni rivojlantirish va takomillashtirishga qaratilgan vazifalarni maqsadli amalga oshirish ham nazarda tutiladi.

IV. Mustaqil ta'lim va mustaqil ishlar

1. Melodik va garmonik mashqlar ustida ishlash
2. Fortepiano uchun 2 ta Preljudyaya ustida ishlash
3. Yakka cholg'u uchun solo ustida ishlash
4. Oddiy shaklning o'rta qismini yozish
5. Oddiy shaklning reprizasini yozish
6. Damli cholg'u va fortepiano uchun p'esa yaratish.
7. Ovoz va fortepiano uchun romans yaratish. Musiqa va she'riy matn mutanosibligida melodiya yozish
8. Xalq cholg'u va fortepiano uchun p'esa yaratish
9. Fortepiano uchun sonata yozish
10. Sonata, fortepiano uchun. 2-qism
11. Sonata, fortepiano uchun. 3-qism
12. Sonata shakli ustida ishlash
13. Sonata shakliga oid asarlarni tinglash va tahlil qilish

	14. Orkestr uchun asar ustida ishlash 15. Torli kvartet ustida ishlash 16. Kamer-vokal asar ustida ishlash. 17. Estrada qo‘shiqlari ustida ishlash. 18. Jo‘rsiz xor uchun asar yaratish. 19. Yirik janrda simfonik asar yozish 20. Yirik janrda simfonik asar ustida ishlash 21. Yirik janrda simfonik asarlarni tinglash va tahlil qilish
3.	V. Fan o‘qitilishining natijalari (shakllanadigan kompetensiyalar) Fanni o‘zlashtirish natijasida talaba: – musiqiy kompozitsiya kursining predmeti – musiqa yaratish; – musiqiy kompozitsiya asoslari, qarama-qarshiliklar, yangilik, mutanosiblik, usullarga solish, garmoniyalashtirish yaxlitligi; – musiqiy asarlarni yaratish jarayonlari; – musiqiy-nazariy tizimlar to‘g‘risida, notografiya, xor va orkestr yozuvi haqida tasavvurga ega bo‘lishi; – orkestr va ansambllar tarkibiga kiritilgan cholg‘ular uchun yaratilgan sara asarlarni; – kuylovchi ovozlari, ularning tessiturasini, diapazoni, harakatchanligi va ifodaviyligini; – ijrochilar, rejissyorlar, musiqiy chiqishlarni sahnalashtiruvchilar va rassomlar bilan ishlash asoslarini; – “oltin kesishma” deb nomlanuvchi qonuniyatlarni; – ixtisoslikka mos san’at turining asosiy ilmiy-ijodiy muammolari va rivojlanishining hamda ularning turdosh sohalar bilan o‘zaro aloqasini bilishi va ulardan foydalana olishi; – oddiy shakllarda ijodiy ish; fortepiano uchun prelyudiyalar, fortepiano jo‘rligidagi torli cholg‘ular uchun kichik kuylar yozish; – she’riy matn bilan ishlash, qo‘shiq, romans va xorlar uchun vokal asarlari yozish; – sonata shaklida, torli kvartet, orkestr uchun asarlar (uvertyuralar, musiqiy lahzalar) yaratish; – yirik janrdagi cholg‘u, vokal-xor va simfonik asarlar (poema, kontsert, simfoniya va boshqalar) ustida ishlash ko‘nikmalariga ega bo‘lishi kerak.
4.	VI. Ta’lim texnologiyalari va metodlari: – Yakka mashg‘ulotlar – Interfaol aqliy hujum

	– Visual akustik va shahsiy oriyentasiy texnologiyasi – Kollokvium – Ijodiy asar ijrosi
5.	VII. Kreditlarni olish uchun talablar: Fanga oid ijodkorlik, pedagogik va musiqiy jamoatchilik faoliyatiga nazariy va amaliy tayyorgarlik, keng va turli dasturlarni bilish, nazariy malakalarini o‘zlashtirish, mustaqil ravishda partitura ustida ishlash, mustaqil ravishda asar mavzusini yaratishning amaliy tajribasiga ega bo‘lishi, mushohada yuritish va joriy, oraliq nazorat shakllarida berilgan vazifa va topshiriqlarni bajarish. Oraliq va yakuniy nazoratlar fanning xususiyatidan kelib chiqqan xolda o‘quv yili davomida 2 marotaba (kollokvium, asar ijrosi) yaratgan asarlarini tinglovi orqali o‘tkaziladi.
6.	VIII. Asosiy adabiyotlar 1. Месснер Е. Основы композиции. М., 2001. 2. Назайкинский Е.В. Логика музыкальной композиции. М., «Музыка», 1982. 3. Евлахов О. Проблемы воспитания композитора. Ленинград.1963 4. Янов-Яновская Н. Узбекская симфоническая музыка. Т., 1980 5. Чулаки М. Инструменты симфонического оркестра. М., 1982. 6. Abdullayeva O. Bastakorlik san’ati. Darslik. T., 2018. Qo‘shimcha adabiyotlar 1. Sh.M.Mirziyoyev. Madaniyat va san'at sohasining jamiyat hayotidagi o'rni va ta'sirini yanada oshirish chora-tadbirlari to'g'risida. PF-26.05. 2020 2. Mirziyoyev Sh.M. O‘zbekiston Respublikasida milliy madaniyatni yanada rivojlantirish kontseptsiyasini tasdiqlash to‘g‘risida. PQ-4038 28 noyabr 2018 3. 2017-2021 yillarda O‘zbekiston Respublikasini rivojlantirishning beshta ustuvor yo‘nalishi bo‘yicha harakatlar strategiyasi.Mirziyoyev Sh.M. Qonun ustuvorligi va inson manfaatlarini ta’minlash-yurt taraqqiyoti va xalq farovonligining garovi. O‘zbekiston Respublikasi Konstitutsiyasi qabul qilinganining 24 yilligiga bag‘ishlangan tantanali marosimdagi ma’ruza. 2016- yil 7-dekabr. T.: “O‘zbekiston”, NMIU, 2017.-32 b. 4. O‘zbekiston Respublikasi Konstitutsiyasi – T.: O‘zbekiston, 2014.–46 b. 5. Turli mualliflar. Jahon va o‘zbek kompozitorlarining turli janrlardagi yuzlab asarlari klavirlari, partituralari. 1956-2011. 6. O.Abdullaeva. “O‘zbek kompozitorlik ijodiyotida estrada qo‘shig‘i yaratilishining amaliy masalalari”, maqola. “Barkamol avlod shakllanishida san’atning

	ahamiyati" Yilnomasida, Toshkent, 2010. Axborot manbalari 1. http://www.youtube.com 2. http://b2c.uz/catalog/youth/uz/musiq 3. www.musika.uz 4. http://portasound.ru/music-search/musiq-olami 5. www.gov.uz – O‘zbekiston Respublikasi xukumat portali. 6. www.lex.uz – O‘zbekiston Respublikasi Qonun hujjatlari ma’lumotlari milliy bazasi.
7.	Fan dasturi Oliy ta’lim yo‘nalishlari va mutaxassisliklari bo‘yicha O‘quv-uslubiy birlashmalar faoliyatini Muvofiqlashtiruvchi Kengashning 2025 yil «<u>29</u>» <u>08</u> dagi <u>1</u> - sonli bayonnomasi bilan ma’qullangan.
8.	Fan/modul uchun mas’ullar: Abdullaeva O.U. - O‘zDK, “Kompozitorlik va cholg‘ulashtirish” kafedrası professori
9.	Taqrizchilar: Mansurov A.M. - O‘zDK, “Kompozitorlik va cholg‘ulashtirish” kafedrası professori Abdullaev R.A. - O‘zbekiston Kompozitorlari va bastakorlari uyushmasi raisi, professor